

**ԱՄԵՆԱՅՆ ՀԱՅՈՑ ԿԱԹՈՂԻԿՈՍԸ «Ս. ՍԱՀԱԿ - Ս. ՄԵՍՐՈՊ»
ՇՔԱՆՇԱՆ ՀԱՆՁՆԵՅ ՌՈՒԲԵՆ ՄԻՐՋԱԽԱՆՑԱՆԻՆ**

Հունիսի 21-ին Մայր Աթոռ Սուրբ Էջմիածնում Ն.Ս.Օ.Տ.Տ. Գարեգին Բ Ծայրագույն Պապրիարք եւ Ամենայն Հայոց Կաթողիկոսի հանդիսապետությամբ քեղի ունեցավ Խ. Աբովյանի անվան մանկավարժական համալսարանի մշակույթի ֆակուլտետի դեկան փխար Ռուբեն Միրզախանյանի պարգեաբաշխության արարողությունը: Հայրենիքին, ժողովրդին եւ Հայ Առաքելական Եկեղեցուն բերած ծառայությունների համար Հայրապետական Կոնդակով Ռուբեն Միրզախանյանն արժանացավ Հայոց Եկեղեցու «Ս. Սահակ - Ս. Մեսրոպ» պատվո բարձր շքանշանին:

Մեծարյալի կյանքին ու գործունեությանն անդրադարձավ «Ազգ» օրաթերթի գլխավոր խմբագիր փխար Հակոբ Ավետիքյանը: Նա ընդգծեց Ռ. Միրզախանյանի կարեւոր ներդրումը Հայաստանի ռամկավար ազգայական կուսակցության սրբեղծման, «Ազգ» օրաթերթի եւ «Թեքեյան» մշակութային կենտրոնի հիմնադրման գործում:

Այնուհետեւ «Էջ Միածինն ի Հօրե» շարականի երգեցողության ներքո Վեհարանի հանդիսությունների սրահ բերվեց Հայրապետական Սրբաբառ Կոնդակը, որն ընթերցեց Մայր Աթոռի լուսարարապետ Տ. Արարապ եպիսկոպոս Գալթագճյանը:

«Անձնապես ճանաչում եմք Ձեզ եւ ծանոթ եմք Ձեր ազգասեր, հավատալիք ու եկեղեցասեր ոգուն եւ Լուսավորչապատկ Սուրբ Էջմիածնի հանդեպ Ձեր որդիական անկեղծ զգացումներին: Տիրոջ օրհնությամբ Ձեր կյանքի փարիները լի են ազգանվեր սպասավորության գովարժան արդյունքներով ու վաստակով:

Տասնամյակներ շարունակ Դուք մանկավարժական աստվածահաճո առաքելություն եք իրականացնում Երեւանի Խ. Աբովյանի անվան հայկական պետական մանկավարժական համալսարանում՝ Ձեր կարողությունները ի սպաս դնելով կրթօջախի երախտարժան գործունեությանը: Իբրեւ դասախոս եւ դեկան բուհի մշակույթի ֆակուլտետի՝ Դուք հոգաձու նվիրումով շնորհաշատ հայորդիների հոգիներում խնամում եւ առավել զորացնում եք սերը հանդեպ հայ եւ համաշխարհային մշակույթը, հոգեւոր ու ազգային մեր արժեքները», - ասվում է Հայրապետական Կոնդակում:

Պարգեաբաշխումից հետո իր սրբի խոսքն ասաց փխար Ռուբեն Միրզախանյանը: Շնորհակալություն հայտնելով Վեհափառ Հայրապետին մեծ պատվի արժանացնելու համար՝ նա անդրադարձավ Գարեգին Բ Վեհափառի 10-ամյա գահակալության շրջանում Հայ Եկեղեցու վերագարթոնքին:

«Մի քանի ամիսներ անց ազգովին պիտի փոխանանք Ամենայն Հայոց Կաթողիկոսի գահակալության 10-ամյակը. փարիներ, որոնք շատ որոշակի իմաստավորում ունեն մեր ժողովրդի կյանքում, որոնք աննախադեպ են եկեղեցաշինության փեսանկյունից: Թույլ տվեք ասել, որ եկեղեցաշինություն ասելով՝ մենք չենք ենթադրում միայն նոր եկեղեցիների կառուցում, վեր հանում թե՛ Հայաստանում եւ թե՛ Սփյուռքում, այլ ենթադրում ենք եւ հպարտ ենք, որ այս փարիների ընթացքում նոր որակական աճ եւ բովանդակություն ունեցավ հոգեւոր դասի նախապարասպումը, նոր կրթօջախների սրբեղծումը, որ մենք միանգամայն նոր

պարկեր ունենք երիտասարդ սերնդի գեղագիտական դաստիարակության ասպարեզում: Եկեղեցաշինություն ասելով՝ մենք ենթադրում ենք այն ազգանվեր, ամենօրյա ազգօգուտ գործունեությունը, որը ծավալում է Հայ Առաքելական Եկեղեցին Հայրենիքում եւ Սփյուռքում գլխավորությամբ Ամենայն Հայոց Կաթողիկոսի, նրա անմիջական ղեկավարությամբ, ամենօրյա լուրջ եւ հեղինակական գործունեությամբ»,- նշեց փար Միրզախանյանն իր խոսքում:

Վերջում ներկաներին իր հայրական օրհնությունը բաշխեց Գարեգին Բ Ամենայն Հայոց Կաթողիկոսը:

Պարգևաբաշխության ընթացքում ելույթ ունեցավ «Վերածնունդ» կամերային նվագախումբը՝ ղեկավարությամբ նվագախմբի գեղարվեստական ղեկավար եւ դիրիժոր Ռուբեն Ասատրյանի: Իրենց անգուգական կատարումներով հանդես եկան նաեւ ՀՀ վաստակավոր արտիստուհի Անահիտ Մխիթարյանը եւ ՀՀ ժողովրդական արտիստ, դուդուկահար Զիվան Գասպարյանը:

Հանդիսությանը ներկա էին ՀՀ վարչապետ փար Տիգրան Սարգսյանը, ՀՀ մշակույթի նախարար Հասմիկ Պողոսյանը, ՀՀ կրթության եւ գիտության նախարար Արմեն Աշոտյանը, ԱԺ պարզամավորներ, քաղաքական եւ հասարակական գործիչներ, գիտության, մշակույթի եւ արվեստի մշակներ: